

國家圖書館藏

清光緒兵部奏稿

全國圖書館文獻
館藏總覽

國家圖書館分館編

清光緒兵部奏稿

數字化
PDF

光緒十二年三月初八日正班

奏

事

共二摺

議覆署貴撫潘 奏張大鵬補副將一摺

又湖南撫卞 奏李燾補守備議駁一摺

兵部謹

奏
為遵

旨議

奏事內閣抄出署貴州巡撫潘

奏貴州遵義協副將

員缺查有留黔先行拔補副將張大鵬堪以請補等因於
光緒十二年正月初七日軍機大臣奉

旨兵

部議奏欽此

查臣部奏定章程曾經保留省分之

儘先副將續保先行拔補等項字樣遇有該省題推副
將缺出即由該督撫先行請補若部中出有該省之缺亦

即先行擬補等語貴州遵義協副將係部推之缺該署撫請以留黔先行拔補副將張大鵬請補查張大鵬由留黔先行拔補副將請補副將核與定章相符該員現無事故應請准其補授貴州遵義協副將恭候

命下

臣部行文該督撫即行給咨該員赴部引

見再

行給與劄付以符定制所有臣等遵議緣由理合恭摺具

奏

伏乞

聖鑒

訓示遵行謹

兵部謹

奏為遵

旨議

奏事內閣抄出湖南巡撫下奏撫標左營中軍守備係部推之缺准部咨應用儘先人員令揀員請補等因湖南省自奉到新章後領東營守備鎮筸左營守備保靖營守備缺出計已用過儘先三人現出守備員缺應揀補營用武進士一人查有期滿武進士李燾局度安詳饒有勇畧以之補授實堪勝任等因一摺光緒十二年正月二

旨兵

十一日軍機大臣奉

部議奏欽此查_目部奏定疏通營用武進士補缺章程內
開嗣後部推守備缺出除漢侍衛及門衛千總應用月缺
不計外其餘各計各省無論部中擬補該省請補統計補
用儘先三人後揀補營用武進士一人等語是武進士揀班補
用專指推缺而言查湖南省前次請補_出領東鎮_寧保靖
守備三缺均係題缺_臣部專有題缺輪補章程不得與推
缺攙用該省所出推缺除提標守備一缺業經_臣部扣補

漢侍衛月缺不計外今此撫標守備一缺應作為定章後
第一推缺業經行令揀補儘先人員在案該撫請以武進
士李燾插補儘先班之缺係屬輪補尚未到班應毋庸議
其湖南撫標左營守備員缺應仍令該督撫照章揀選
合例儘先人員請補所有臣等遵議緣由理合恭摺具
奏伏乞

聖鑒

訓示遵行謹

奏

請

兵部謹密

題為請

旨事

查例文會試場內每翼派副都統一員各帶本旗叅
領一員章京一員入場彈壓等語今光緒十二年丙戌科
文會試所有應派彈壓副都統等官_臣等照例咨取
旗滿洲蒙古漢軍副都統職名到部按左右翼分繕清
單並將現有別項差使詳細開明恭候

欽派

右右翼副都統各一員自行帶領本旗叅領一員章

京一員於三月初八日入場督理稽察為此謹察

題請

旨

戶部等部謹

奏
為遵

旨會
議具奏事降三級留任山東巡撫陳士杰奏山東省

光緒九年分雜稅銀兩遵奉新章酌議處分聲請按

照續完分數減議一摺光緒十一年九月十五日軍

機大臣奉

旨該
部議奏欽此欽遵由內閣抄出到部臣等查前因河

南省題報光緒八年分雜稅奏銷歷年未完積欠過

敕下

戶部奏
臣等查
光緒八年以前積欠銀兩每年續完一二分務使新
收不至再欠而積欠力求補完並請

吏部比照征收雜稅錢糧未完分數從重酌擬處分
如能於奏銷前一律全完者量予獎勵通行各省照
辦並經吏部酌擬新章嗣後各省除原無定額雜稅
錢糧未完仍照舊例查議至定有額征銀數雜稅錢
糧如有未完初叅州縣官欠一分二分者罰俸三個

月三分四分者罰俸六個月五分六分者罰俸一年
七分八分者罰俸二年九分十分者降一級留任俱
令戴罪催追俱公罪完日開復如叅後違限不完已
罰俸三個月者罰俸六個月已罰俸六個月者罰俸
一年已罰俸一年者罰俸二年已罰俸二年者降一
級留任已降一級者降二級留任俱公罪欠不及一
分並上司俱免議如能於奏銷前一律全完者准其
紀錄一次等因先後奏明奉

旨允

准通行各直省一律遵照辦理去後今據山東巡撫奏稱山東省光緒九年分各州縣征收已未完雜稅錢糧已隨該年地丁奏銷詳題現奉新章嚴定處分復將該年各屬新舊任交涉墊支墊解各款分別厘剔撥正並續完各員另造簡明揭冊送部聲請減免核議等語臣等查山東省光緒九年分應完雜稅各款已據該省附入地丁奏銷題報除將奏銷前一任經征全完應請議叙各職名仍於地丁奏銷案內另

行會同核議外所有此次另造續完及已未完分數各職名請按寔欠分數減議現經臣部按照該省另造寔欠已未完分數各職名會同吏兵二部核議理合另繕清單恭呈

御覽

伏乞

皇太后

皇上

奏

聖鑒再此摺係戶部主稿合併聲明謹

御覽

上卷
謹將山東省光緒九年分應征雜稅錢糧各員已未完及續完分数開具清單恭呈

計開

東昌衛接征代理守備謝祥岐 未完一分以上

以上一員係原核分数並無續完銀兩

兵部查經征山東省光緒九年分雜稅錢糧未完一分以上之代理東昌衛守備謝祥岐業經病故應毋

庸議

東昌衛接征署事守備吳世相未完六分以上

以上一員仍係原核分數並無續完銀兩

兵部查吏部奏定章程內開各省定有額征銀數雜
稅錢糧如有未完初叅州縣官欠六分者罰俸一年
戴罪催追等語應請將經征山東省光緒九年分雜
稅錢糧未完六分以上之署東昌衛守備吳世相照
章議以罰俸一年戴罪催追吳世相係候補署事之